

高密縣志



序



蓋圖籍之制由來舊矣而
邑乘者圖籍之所取資也
不寧惟是其間別貞淫昭
勸戒則又與史而並重
自乙酉秋承乏高陽將欲

序

一

竭駑駘効職事以仰報

國恩特未悉一方之民風土俗
因革利病不可以爲治爰
覓舊志帙不盈寸自萬曆
乙巳邑宰唐允中脩輯而
後迄今百餘年中間數更

喪亂文獻無徵康熙壬子
奉

旨脩史購求遺書并各省通志
大令陳淳雖輯志稿未付
棗梨今時移勢易戶口不
無登耗矣建置不無變更

序

二

矣風俗之盛衰人物之興
廢非增輯之其何以垂後
固宜朝至而夕謀及此乃
必越四年而始克從事者
非敢緩也蓋有待也方
之密適丁饑饉薦臻之後

浩

田卒污萊流離載道用是
日竭蹶於辟荒蕪集流亾
未暇及此邇年來我
皇上加惠元元恩膏疊沛捐租
發帑民困漸甦又得

大中丞蔣公仰承

序

三

德意愛民如子治國如家舉措
適乎時中廉靜足以維世
督學黃公廉明造士公正掄
才學校人文超前軼後
方伯三韓侯公德政宐民
謳歌勝昔駕輕就熟愷澤

旁流

廉察滇南李公冰心鐵面
弊絕風清仁恕公明望齊
岱嶽

少叅長白甘公忠孝傳家
隨車甘雨遠懷近悅棠蔭

序

四

三州 太守海寧陳公操
凜四知化行千里仁明靜
鎮東海稱神幸遇

明良際會豈非千載一時
哉由是變齊魯之餘風臻
唐虞之上理雨暘時若物

阜民安荒城下吏始得簿
書餘暇稍親筆墨屬以密
之人與令習久紀綱麤定
會本學廣文表君嗣烈江
君為霖學識淵博人服其
鑒者有素幸不辭珥筆之

序

五

請浩更集邑之縉紳更老
及俊髦之士取舊志而增
訂之刪其煩複正其夾豕
且網羅放失窮極搜討浩
自公之餘復加脩飾四閱
月而哀然成書焉仍其舊

事倍於前而詳慎殆尤至
焉適有良工至止因出俸
以授之梓不敢纖毫煩民
力也第愧弇陋無文不足
以鼓吹休明黼黻

聖治然於山川阨塞謠俗好惡

序

六

制度興廢備載無遺以興
徼採擇使殘疆瘠土鋒鏑
遺黎共慶階平且俾後之
司牧者覩其往轍匡其不
逮與含哺鼓腹之民永遊
仁壽之域是浩素願也夫

昔

大清康熙四十九年庚寅相月
之吉山東萊州府高密縣
知縣會稽張浩書



序

七

跋

邑之志卽古采風問俗陳詩納賈之遺意其間或宐因革或宐損益務使條分縷析燦然臚列以資史官之採擇豈可一日少哉密志自萬曆乙巳邑侯唐公重修後逾百餘年邑乘缺如中間雖有周侯之修輯陳侯之補述皆旋議旋罷究同築舍

跋

一

今上御極之四十四年歲在乙酉

會稽張公來令是邑晉謁

文廟之日卽訊及縣志

不佞等

以志版

久毀對公歎息者久之惟時當災氛之後流離載道村市爲墟絃誦之聲無聞哀鴻之歌遍野寧遑計及此耶公於是披荆棘刈草萊席地幕天櫛風沐雨者二年而流亾集矣荒田墾

矣 國稅不致虛懸而災民無枵腹
之累矣噫公之於密不可謂非再造
之德也而公以爲民未知義不可以
言治復興學校崇節儉息爭鬪禁澆
俗嚴尊卑上下之分申忠孝廉節之
教如是者又二年政通人和百廢具
興公始進邑之紳士謀捉筆焉得張
子廷傳所存舊志一帙暨所筆記者

跋

二

數十則復采錄遠近所及見及聞之
事彙集公所公於政治之暇從而討
論之修飾之潤色之五越月而志成
夫治疲邑如醫病人瘡痍未復卽訓
以禮義猶久疾羸弱之人遽飲以梁
肉也是以公修密志必待四年之後
時有未遑爲政之次第空爾也覽斯
志者其毋忘賢司牧造密苦心則不

佞等
泚筆綴言之意也夫

皆

龍飛康熙四十九年歲在庚寅章月之吉

教諭袁嗣烈

儒學

訓導江為霖

謹跋

跋

三

跋

穴多坐

志史類也藩省郡縣在在有之以記時事其所
貴者真焉而已志真則史信他時採實錄以貢
天子徵文獻以纂

國史於志乎取焉否則浮誕失實詞藻雖工無所於
徵奚以志爲今

皇上崇文好學各

憲臺博雅嗜古徵檄叠至而密志未成帙誠以考
覈之難而修明之匪易也邑侯張公慨然任爲

跋

一

已責偕廣文先生袁公江公勦成其事密志自
此有成書矣粵考密志修於明邑侯唐公時則
萬曆乙巳年也邑庠李君公聘閻君泰一諸先
輩虛心採輯以告厥成至

本朝康熙壬子邑乘缺如周侯曾續補之及甲子
陳侯又採訪增輯孝廉楊先李公進士敬修王
公廩膳王公鈍夫儀公作霖諸先生加意訂正
藁脫未鐫周侯以丁艱去陳公又以超擢去適
先大人薄宦粵東予告回籍錄其藁以資披閱

今且二十餘載矣茲者張公聞所聞而向予索
之余敢不出所藏以獻余之獻也獻先人之錄
藁實獻已往之纂述也實以表彰周陳兩侯善
善之念有以光大唐侯之虛懷採訪立言不朽
也先將軍藏之余也獻之珥筆者得是藁而增
之評之更之定之以數十年未成之書一朝告
竣謂非密邑之厚幸也耶主斯事者明府梓園
張公較斯編者武承袁公雨蒼江公是百年以
內若存若亾之事自張侯而始著周陳兩侯未

跋

二

竟之志自張侯而始成不與唐公之文治休明
並垂不朽照耀千古哉余因是役而愈念先大
人之藏編閱歷已久手澤猶存曾幾何時不勝
今昔之感昔紫陽朱夫子出守南康甫下車卽
以郡志爲問論者高之蓋謂其知當務之爲急
也今張公袁公汲汲於是非道同志合而知當
務之爲急者能如是乎自茲以往典政典教者
心兩公之心推類而續之則是志將傳之千萬
世而不敝也其於風化豈小補之哉

康熙四十九年歲次庚寅臯月之廿邑後學張

廷傳謹跋



跋

三

密縣志目錄

凡例

纂修執事

圖說

地輿卷之一

沿革

分野

形勝

山川

里社

風俗

節序

物產

建置卷之二

城池

公署

舖舍

坊表

密志

目錄

一

橋梁

道路

市廛

貢賦卷之三

戶口

田地

賦稅

徭役

官莊

義倉

典禮卷之四

公儀

祀典

賓興

鄉儀

郵政

刑法

學校卷之五

儒學

社學

射圃

凡例

一邑乘修于明萬曆乙巳邑侯唐公主之襄事者李朝選諸君考核精詳百餘年來繼事無人遂至荒畧忠臣義士貞烈孝友湮沒不彰者蓋不可勝紀矣

本朝邑侯藍田周公冀州陳公亦常雅志搜羅第以人多言龐卒至中寢惟張子廷傳承先人遺志取其稿笥而藏之凡可志者聞又留心採錄故至今猶有所考據者悉厥功也康熙己丑秋我

密志

凡例

一

邑侯張公修舉廢典搜羅往事慨然以增修爲已任寅威等與效微勞比事屬詞自知鄙俚不文姑卽所知見者輯之以俟後之君子筆削焉

一志書之作以備採風凡有關風教者小善必登前志偶缺者今依類增入

一志中綱目悉遵舊本稍加訂正原序原論精當老確槩不敢易其時勢不同而事或異轍另當增入者則別爲論以附之

一前志云諸家論星野互有異同矧密歷伐析置

學田 祭器 十 書籍

職官卷之六

封建 官師 汛官 名宦

選舉卷之七

薦辟 科目 武職 歲貢

封拜 恩廕 監生 官生

人物卷之八

鄉賢 賢才 孝義

列女 隱逸 仙釋

密志 目錄

二

雜稽卷之九

古蹟 景致 祥異

廟宇 寺觀 丘墓

藝文卷之十

宸翰 傳記 碑銘

詩歌 傳註 奏疏